

'Têkoşîna jinê ji nedîtî dihatin'

• Amadekar: NEWAYA JIN

Li bajarê Elmanyayê Frankfurtê Yekemîn Konferansa Navneteweyî ya Jinan a bi ser navê "Şoreş niha dibe" a bi organîzasyonê tora bi navê "Jin siberojê dihûnin" di 6 û 7'ê Cotmehê de, bi beşdariya 500 jinên ji seranserê cîhanê hat lidarxistin. Di konferansê de jinan tecrûbe û têkoşîna xwe parve kirin, nîqaş kirin û nexasim jî li ser şoreşa mezin a jinê, Şoreşa Rojava sekinîn. Delegasyonê ji Hindîstanê Radha D'SOUZA a ji zanîngeha Îngîlîstanê Westminster ê, dîrok û têkoşîna jinên Hindîstanê, her wiha nêrînên xwe yê di mijara kombûna jinan û têkoşîna jinên Kurd de, bi rojnameya me Newaya Jin re parve kir.

Polîtîkayek du alî dimeşandin

Radha D'SOUZA di destpêka axaftina xwe de balê dikêşe ser dîroka jinên Hindîstanê û dibêje: "Niha li Hindîstanê em wek jin di demeke balkêş de dijîn. Bi taybetî jî ji salên 1900'î şûnde nêrandina jin û têkoşîna jinan zêdetir ligor Rojava û fêmînişma lîberal bû. Mirov dikare bibêje ku ev yek jî zêdetir ji bo jinên li gundewaran dijîyan, derbas dibû. Lê dengê dihat bîhîstin û bilind dibû, zêdetir dengê jinên bajarî bû. Wek hûn dizanin Hindîstan di bin mîtîngerîya Bîrîtanyayê debû, ji bo wan Hindîstan dihat wateya kevirê di nav taca şahbanûyê. Mîtîngerîya li Hindîstanê têkiliya di navbera jin û zilam de heya astekê xist nav guherîn û veguherînê. Ji ber ku Bîrîtanya li Hindîstanê xwedî polîtîkayek du alî bû. Polîtîkayek li hemberî kesên xwedî erd û di heman demê de bi kesên ku dixwestin bi wan re hevkarîyê çêbikin, bi gotina wan kesên têgihîştî û xwendî bûn. Polîtîkaya wan a din jî li hemberî jinên li gundewaran bû ku li hemberî wan nêzikatiyek cûda didan raber kirin.

Li Hindîstanê pergalek bi navê Kast heye, pergalek çînî ye. Pergalek çînî a tevîhev e. Hikûmeta wê demê û Împaratoriya Bîrîtanyayê çî li hemberî jinên li gundewaran be, çî jî li hemberî çîna karker, polîtîkayek taybet dida meşandin."

Jin pêşeng bûn

Radha D'SOUZA behsa têkoşîna serxwebûna Hindîstanê dike û balê dikêşe ser rola jinan û dibêje: "Di tevahiya têkoşîna azadiyê a Hindîstanê de, çîna perwerde kirî ku wiha dihatin pênasê kirin, soza Hindîstanek wekhev didan. Piştî şerê serxwebûnê yê Hindîstanê şûnde, ji xwe tiştek wisa çênebû û jin û zilam azad nebûn. Pergala Kast jî wek xwe ma û tu guherîn çênebûn. Mînak di dema şerê azadî û serxwebûnê de, bi taybetî milê vê têkoşîna yê milîtan xwedî artêşekê ku tenê ji jinan pêk dihat, bû. Ew jî ji bo serxwebûnê li dijî Bîrîtanyayê şer kirin û tédikoşîn. Jinên ku di nav vê artêşê de cih digirtin, fermanदारên vê artêşê bi tu awayî di nav dîroka Hindîstanê de cih nagirin. Dîrok wan jî nedîtî tê. Tenê piştî şerê serxwebûnê bi çend mehan şûnde, kesên qaşo pêşengên Hindîstanê azad û serbixwe bûn, çalakiya ku ew li lidarxistin, bera artêşa xwe dan başûrê welat ku wê derê jinan herêmek xweser avakiribûn. Di sala 1969'an de, dîsan serî ra-

Di dema şerê azadî û serxwebûnê de, bi taybetî milê vê têkoşîna yê milîtan xwedî artêşekê ku tenê ji jinan pêk dihat, bû. Ew jî ji bo serxwebûnê li dijî Bîrîtanyayê şer kirin û tédikoşîn. Jinên ku di nav vê artêşê de cih digirtin, fermanदारên vê artêşê bi tu awayî di nav dîroka Hindîstanê de cih nagirin. Dîrok wan jî nedîtî tê.

kirinek girîng çêbû, Naxşilbarî navê vê serhildanê bû ku navê gundek biçûk a li quntarê çiyayê Himalaya cih digirt. Serî rakirin li vî gundî destpêkir, lê di demeke kin de bala tevahiya welat kêşand ser xwe. Li wir dîsan jin pêşengê serî rakirinê bûn."

D'SOUZA wiha didomîne: "Dema ku hikûmeta îroyîn ya Hindîstanê dixwest li welat pergala lîberalîzm û globalîzmê serwer bike, yê ku ewil hay ji tehlûkeya heyî bûn, dîsan jin bûn. Dema ku hîn jinên bajarî li ser baş û nebaşiya wê nîqaş dikirin, jinên li gundewaran tehlûkeya lîberalîzm û globalîzmê ditîtin, dizanîn ku ev yek jî şeweyek din a mîtîngerî ye. Û wê demê bû ku diruşma, 'av', 'ax' û 'daristan' ê pêş xistin."

Şîdeta dewletê li her derê ye

Radha D'SOUZA balê dikêşe ser şîdeta dewlet, zilam û rewşa li herêma wiha tîne ziman: "Hindîstan xwedî 29 netewe ye. Di nav wan de jî gelek civakên xwedî pergala bavîksalarî hene. Bê guman civakên dayîksalarî jî mevcût in. Ji bo vê, di derbarê gelemperîya Hindîstanê de axaftin kêmek zehmet e. Dema mirov behsa başûrê Hindîstanê bike, yanî herêma ku jêre dibêjin Lovakas, mirov dikare bibêje ku jin azad in. Heya astekê dikarin azadiya xwe di dest xwe de bigirin. Ji bo wan jî tund û tujiya di nav malbatê zêdetir, şîdeta dewletê girîng e. Lê herêma bakur zêdetir xwedî civakên feodal û bavîksalarî in. Bakurê Hindîstanê jî ber serdestiya bavîksalarî hîn zêdetir dişibe welatên Rojhelata Navîn yê wek Pakistan ê."

D'SOUZA wiha pêde diçe û dibêje: "Şîdeta dewletê a li dijî jinan hema bêje li her devereke Hindîstanê tê jîn. Li başûrê welat zêdetir ji aliyê polîs û leşkeran şîdeta li ser jinê pêk tê. Lêbelê li bakurê welat hem tund û tujiya polîs, leşkeran pîrr zêde ye, hem jî ji ber taybetmendîya xwe a civakî ya feodal û bavîksalarî, di nav civakê bi xwe de jî bûyerên wiha zêde rû didin. Di nav civakên bi vî rengî de,

pergala dewletê vê carê bi destê zilamê di nav civakê de dest bi tund û tujiyê dide."

D'SOUZA di berdevama axaftina xwe de îşare bi tund û tujiya li dijî jinê dike û wiha dirêjî bi axaftinê xwe dide: "Mînak nûçe û agahiyên ku di ragihandina Rojava de tîne weşandin û hûn jî dibihîsin; ji xwe di van nûçeyan de jî aliyê xwe a Kast heye, belku jî jin ku wek Kasta jêr tîne bi nav kirin, ji aliyê zilamên ku zêdetir wek Kasta jûr tîne nasîn, rastê şîdet û destavêtinê tîne. Bi derketina fûndamentalîzmê re, li wê derê Kast jî kûrtir bûye. Fûndamentalîzm jî xwe bîrdoziya se-reke a Kast e."

Pirsgirêka jin û xwezayê ji hev cûda nîne

Radha D'SOUZA dide diyar kirin ku ew bi awayên cihê têkoşîna xwe berfireh dikin û axaftina xwe wiha didomîne: "Li dijî dest avêtin û qelen hin form hene. Di sala 2005'an de, li gelemperîya welat me kolektîfêk ava kir û ev yek jî kolektîfêk a li dijî tund û tujiya li ser jinê ye. Ev kolektîf jî pîranî li ser mijara ku tund û tujiya di nav malbat û dewletê de heman tişt e, disekinî. Li Hindîstanê jinên pêşeng pîrr in. Ew ne tenê ji bo jin û di nav tevgerên jin de, di heman demê de ji bo hawirdorê jî dixebitin. Mînak ez, ez sendîkavan im, pêşenga yek ji sendîkaya endazyariyê bûm û min ne tenê jin, di heman demê de wek çîna karker zilam jî birêxistin dikirin. Li Hindîstanê jin ne tenê di nav tevgerên jin de, di heman demê de di nav tevgerên ekolojîk û têkoşîna cihê de jî cih digirin û bi rola pêşengtiyê radibin. Kolektîfa ku me di sala 2005'an de ava kir, ji xwe, xwe wek rêxistîneke sîwan birêxistin kir. Gelek jinên di nav kolektîf û tevgerên cûda

Kapîtalîzm û dagirkeriyê xweza têk bir, ji ber ku mîtîngerî di nav hewldana têk birina civakê deye û niha em di rewşekê dene ku em nikarin pirsgirêka jin û xwezayê ji hev cihê bigirin dest. Em bixwazin û nexwezanan jî a rast ew e ku dîrokê carekê din jin û xweza gihan hev.



di nav vê rêxistina sîwan de cih digirin."

Radha D'SOUZA li ser pîrsa ku ka jin wê çawa li hemberî şîdeta dewletê, dîsan pîrsgirêkên li her devereke cîhanê pêre rû bi rû dibin, tédikoşin got; "Ev pîrsek mezin û girîng e. A rast ez niha tam nizanîm ka çî bibêjim. Lê tiştek heye a ku zelal û hewceye em bikin, ew jî ev e ku lazîme em hemû bi hev re bixebitin û hev û du fêma bikin. Ji ber ku em wek jin niha kêliyên dîrokî dijîn. Kapîtalîzm û dagirkeriyê xweza têk bir, ji ber ku mîtîngerî di nav hewldana têk birina civakê deye û niha em di rewşekê dene ku em nikarin pîrsgirêka jin û xwezayê ji hev cihê bigirin dest. Em bixwazin û nexwezanan jî a rast ew e ku dîrokê carekê din jin û xweza gihan hev. Di ferqa vê yekê de bûyîn û daxwazên xwe ligor pêdiviya vê rastiyê saz kirin, girîng e. Gotina 'av', 'ax' û 'daristan', gelo tenê daxwaza jinê ye, yan jî tenê daxwazekê giştî a mirovahiyê ye? Û çima ne zilaman, jinê ev diruşme pêşxist? Jinên ku ev diruşme pêşxistin jî pîraniya xwe jinên li gundewaranin, jinên ku xwendin û nivîsandina wan nîne. Bi taybetî çîna jinên xwendevan û yê li zanîngehan, yê ku xwedî hişmendiya zayendî ne, ev diruşmê pêş nexistin. Dîrok jin û xwezayê digihîne hev û hewceye em vê kêliyê wînda nekin û xwedî lê derkevin. A herê girîng jî em bi hev re bixebitin."

Têkoşîna wan îlham dide

Radha D'SOUZA wiha didomîne: "am digirim. Li Bombay di zanîngehê de, tişta ku di derheqê we de hat jîn, ez dixwazin behs bikim. Hin jinên xwendekar yê li zanîngehê; ku wê demê zêde nedikarin di derbarê jinên Kurd û têkoşîna wan de agahiyên verbîgirin, tenê bi hin agahiyên biçûk re diman, lê bi awayekê di internetê de filmek ku qala têkoşîna jinên Kurd dikir, dîtîn. Ev film jî internetê daxistin û di pola xwe de dan nîşandayîn. Ev yek li Bombay û di zanîngehê de çêbû. Wê demê ev yek gotin, 'niha em bi vî polê ne hewcene, a ji me re hewceye ev film e.' Ev yek jî bi tena serê xwe kirin, li wêderê kesek wan birêxistin bike, nînbû. Di dema ku berxwedana Kobanê dihat jîyan kirin, li rojavayê Hindîstanê li bajarê Japur konfiransêk xwendekaran hebû. Dîsan bi tena serê xwe û bê ku kesek wan birêxistin bike, pêşniyarnameyek pêşkêşî konferansê kirin û ev pêşniyarnamê di konferansê de dan derbas kirin."

D'SOUZA bi van gotinan dawî li axaftina xwe tîne: "Ger ez behsa xwe bikim ka ez di derbarê wan de çî difikirim, ez dikarin li ser tiştên ku min niha anîn ziman, tenê tiştekê zêde bikim. Bi gelemperî tevgera jinê bi awayekê di nav çerçoveya burjuvaziyê de dihat heps kirin, lê tevgera jinên Kurd dan nîşandayîn ka têkoşîna jina Kurd li kuderê cih digire, aidê kuderê ye. Têkoşîna xwe dispêre gel û hêza xwe cihî ku ev yek jî ji bo gihandina têkoşîna vê astê pîrr girîng e. Ez dixwazim li ser navê hemû jinên me spasiya xwe ragihînim."

